

桂

洲

詩

集

桂洲詩集卷之第八

特進光祿大夫太子太師兼太子太傅兼太子太監

詩 五言律詩二十七首

應制七首

奉 旨作無逸殿西壁詩三首

恭和 御製 禘畢吟

賜召恭撰喜雨詩三首

唐牧六首

桂洲集卷之八

扈 蹕 陵下恭述二首

侍 上奉 聖母親九龍池

侍 上祀 陵回奉 聖母泛舟西

湖恭述二首

禱雪齋居

典禮四首

人日同閣老 奉天殿演 冊后禮

用韻

穀日 奉天殿受 冊后勅下 殿

中官捧 宸翰賜諭用前韻

陪祀 南郊

詣 帝壇上香用前韻

館閣一十首

夏日直宿 無逸殿二首

元日次羅峰閣老韻

次羅峰盆桃韻

早朝口占

無逸殿夜直二首

宿翰林院足夢中句

直閣

翰林院賞蓮

五言律詩二十七首

應制七首

奉旨作無逸殿西壁詩三首

王業興千古皇風動九垓南郊躬藉罷西苑
省耕來松栢瑤壇啓雲霞紫殿開 聖情天
遠大萬世仰昭回

睿藻承 遺訓農歌啓 聖衷千秋所無逸
七月味幽風帝學詩書在神謀制作同光昭
文祖業原上有新官

金榜題行殿瓊碑勒對亭 宸章垂琬琰
寶翰照丹青雲物春占瑞奎文夜聚星小臣

一何幸彩筆侍彤庭

恭和 御製禘畢吟

帝王固有真積累豈無因峻德既克明 大
命當維新我 皇承 列聖達孝本一純禋
享追厥初萬世何能湮

賜召恭撰喜雨詩三首

久旱得甘霖歡聲溢禁林蕭蕭鳴碧瓦點點
直黃金農野沾還足河流廣以深萬方同一

樂真慰 九重心

好雨過僊苑重雲覆紫垣炎歊清四野爽氣
沃千門稻起田田水鳩鳴處處村三農歌

帝力無物報乾坤

對雨懽成劇承 恩詔忽催梧垣沾濕過金
海泛波來都野農歌起雲霓天意回七日乃
今日恭覩 聖顏開

扈從六首

扈 蹕 陵下恭述二首

王騎陪天仗文裾侍

聖顏

三月二十三日
上觀九龍池是

日賜太傅勛大學士時少保臣言
乘馬各服新賜蟒衣飛魚以從

七陵瞻曉

殿萬乘駐春山松柏蕭森裏雲霞杳靄間時
時近 清蹕巖岫極躋攀

馳道回雕輦 行宮列羽林青山晉王氣白

日散春陰一代朝 陵典千官扈蹕心媿非

詞賦手虛沐 聖恩深

侍 上奉 聖母觀九龍池

駐蹕靈湫上依巖帳殿開

巖下設一黃龜殿以奉

聖母

雨

從龍洞作雲擁鳳輿來王寶春鳴潛金潭晝

殷雷翠華清樾下

天語賜徘徊

上坐胡床巖樹下在

聖母帳殿之側張小蓋召勛時暨言侍左右復命中官引觀龍池泉竇久之

侍 上祀 陵回奉 聖母泛舟西

湖恭述二首

何處侍

宸遊西湖最上游籠濟印曉日鳳

吹逐春流柳映黃金幄
波涵翡翠樓正逢周
鎬日不是漢汾秋

湖上青山好龍舟錦幄張
菰蒲綠岸淺楊柳
蔭堤長隔浦聞天樂
中流浮御香太平真有

象

慈壽正無疆

舟行有圖乃

上親製賜

左一舟檣書少保文臣二員賜臣時臣言共
之右太傅武臣一員賜臣勛舟共二十五艘
聖母以下至官眷
侍衛皆序列有差

禱雪齋居

冬半未見雪野老走相詢冥心事齋祓祇
詔肅郊禋罪已同桑野憂天愧杞人君看扈
從日霑灑王爲輪

典禮四首

人日同閣老 奉天殿演 冊后禮

用韻

人日趨 丹禁風和 玉殿春龍鱗環 御
座劔屨並元臣 寶冊輝彤管 金書重

紫宸徘徊霄漢上何幸草茅身

穀日 奉天殿受 冊后勅下 殿

中官捧 宸翰賜諭用前韻

鈞天敷 帝制縉典及元春風化端 王教

威儀肅禮臣 王音親 御榻 寶翰出

中宸總是霑 恩處難勝報 主身

陪祀 南郊

大駕嚴陪祀微臣愧屢叨通宵聽鼓角午夜

萃冠袍帝德馨香在
天儀對越勞禮成思
獻賦才拙罷揮毫

詣 帝壇上香用前韻

碧月侵堦冷彤雲護殿高
天香飄栢乳僊酒
奠松醪王女持金劔
神君著錦袍三台瞻帝
座五色散空毫

館閣一十首

夏日直宿 無逸殿二首

玉漏傳中禁 天香下紫壇苑涼花露重池

靜水烟寬竹樹團清馥

殿名

星河近廣寒

殿名

一

宵多夢寐只在五雲端

遠風吹禁苑鳴雨過僊壇水氣金塘靜雲容
玉宇寬紫霄懸榻迴珠斗逼窓寒夢遶清虛

殿岩崑崙碧樹端

元日次羅峰閣老韻

三陽開今日萬國奉 王春日月瞻 明主

雲霄列近臣條風迴 王陸瑞靄集 楓宸
共屬遭逢地徒慚報稱身

次羅峰盆桃韻

一種夭桃樹盆開花更紅繽紛還吐蕊糾結
自成藜競媚雕闌側含頻金屋中吾憐上林
色浩蕩足春風

早朝口占

白月樓東角紅燈門北扉堦前羅甲士簷外

著朝衣鍾動景陽近風來闔闔微非才叨侍
從日日奉宸闈

無逸殿夜直二首

露苑流飈厲霜庭素月高夕依金殿直寒把
御尊醪翠帳圍宮榻玄表褻錦袍貂璫催應
制鳳蠟照揮毫

霜月明僊苑瞻依翠殿高禦寒添獸炭取醉
覓宮醪問疾頻
頒藥承
恩數賜袍不眠

思 帝載無力報秋毫

宿翰林院足夢中句

院深燈復靜

夢句

獨宿玉堂春御氣通南苑僊

曹近北辰露槐當井濕風柳拂墻新暗憶江
淹夢揮毫似有神

直閣

直閣齋居夕清宵倍寂寥庭含松雪凍簾隱
竹烟銷相祀承專命吟詩憶舊寮不眠看月

色多傍九重霄

翰林院賞蓮

盛集瀛洲侶爲懽
白玉堂錦袍明水色彩筆
散花光淨愛亭亭
直清憐陣陣香醉來同席
地不用曲流觴

桂洲詩集卷之第八終

桂洲詩集卷之第九

特進光祿秦程國公師兼太子太師史部尚書華蓋殿大學士黃溪夏言撰

詩 五言律詩五十二首

旅况三十二首

青縣公館

慶都道中

過流口

泊弋陽東胡大尹

發弋陽

良鄉道中

宿涿州智度寺同蕭東之顧舟卿李

德卿步月

慶都公館同蕭東之李德卿夜話

過沙門巡司

次磁州

宿恨這關悶城公館

漢川道中

新店道中即事

界亭道中

辰陽驛夜坐

黔中雨懷二首用唐楊齋韻

黔中即事

夜泊吳江

晚下雲南坡

靜海縣父老來迓

天津值河漲

舟中野望

安陵驛道中

渡口舟中晚興

舟中對菊

通州公館

至香河

寶坻公館次周太僕子庚韻

過南旺湖

書定南公館壁

月夜茗溪道中

燕集二十首

直夜崔都尉岱屏招飲用韻

秋日同李宗伯序菴顧宮詹未齋張

學士亭谿飲鄭氏莊五首

九月一日胡竹亭招賞菊卽席賦

病後過鵬峰畱飲

登高不果兼先是賞月違約詩以謝鵬峰
滇南舊貢院改紫薇分署落成周大
叅炯羅少叅方置酒首邀余過之
喜而有作

鎮守府公宴用韻

誕日三堂邀飲城南下院

宴黔國公第二首

貴州李鎮守邀遊南嶺寺

蕭水部席上賞菊次汪希周韻三首

飲官諭李序菴宅

孫南江招飲寶所塔

五言律詩五十二首

旅况三十二首

青縣公館

木以身老三
駐節瀕江館微茫海國連案前飛水鳥墻角

度風帆打鼓聞何郡
挑燈憶往年

初借計北
止時曾此

艤舟與同
輩夜話

愛逢明月夕獨坐未須眠

慶都道中

首夏倦長路今朝晚興奇
林飈拂翠憶城月
照朱旗野散牛羊闊
山連關塞危漢家重三
輔胡虜莫來窺

過流口

岬危溪正落風急雨初收澄水清於染高雲
淡欲流歲華空復晏病思不禁秋寒望舟中
遠青山江上幽

泊弋陽東胡大尹

孤帆何處宿一繫葛溪濱更鼓分明到絃歌
迤邐聞寒聲一宿雨曉色半江雲酒醒西風
急船頭落葉紛

發弋陽

影古人煙密江寒臨巖羣數峰千里到二水
一洲分沙嘴漁舸閣城頭戍鼓聞我行無俗
侶獨鶴與孤雲

良鄉道中

平明出宣武薄暮入良鄉塗潦餘秋澇春牟
半雪傷人民轉凋瘁草樹亦荒涼刺眼關千
慮謀猷屬廟堂

宿涿州智度寺同蕭東之顧舟卿李

德卿步月

晚風生塔院春月滿東林鈴鐸傳聲細樓臺
倒影深吹笙雲閣杪步屨石廊陰僊侶同幽
興良宵發浩吟

慶都公館同蕭東之李德卿夜話

亭館直城陰荒臺日影沉遠風鳴夕篠高月
散春林棋罷看花落詩成坐漏深百年吾與
汝何幸託蘭金

過沙門巡司

古木黃河磧悲風白晝昏石門樓獨戍茅屋
翳孤村寂寞烟塵暗淒涼烏雀喧不須紫塞
外此地已銷蒐

次磁州

樓櫓關門壯中州第一城太行雲外盡少室
日邊明遠道憐司馬殷憂憶賈生 王京塵
霧裏北望數心驚

宿恨這關悶城公館

不堪關是恨那復悶爲城獨館千峰合孤臣
萬里行古堂春雨濕高屋夜泉聲兀坐燈明
裏勞歌白髮生

漢川道中

晚市浮烟斂春洲曲水連遙燈林表亂圓月
浪中偏犬吠經村店蛙鳴知稻田夜行三十
里野興得蕭然

新店道中卽事

步步陵重險時時厲急流
旆翻雲影亂騎蹴浪花浮
匝地藤蘿暗參天林木稠
泉聲在何處盡日耳邊頭

界亭道中

路入青宵裏真穿虎豹羣
霧崕晴亦雨嵐壑晝多雲
夏木千章合幽泉百折分
怪禽作蠻語啾聒不堪聞

辰陽驛夜坐

永夜明官燭不眠生旅愁去家今萬里作客
動三秋故里歸何日高堂念遠遊丈夫自應
爾未敢爲身謀

黔中雨懷二首用唐楊齋韻

曉色延疎閣淒風動颯然萬山寒雨外一水
亂鷗前蓮葉多傾蓋楊花不起綿支離憐病
骨獨擁舊青氊

獨坐虛堂夕歸心
柰病何孤城山色裏
六月雨聲多水檻
依蒲柳江亭入芰荷
太華昆海上蘭棹
未曾過

黔中即事

飛蓋凌清曉城隅一水長
人歸虎狗市路遶馬鷄坊
土俗夷風雜炎天海氣涼
高門過佳客隨意獻檳榔

夜泊吳江

月岍秋燈滅風湖夕浪翻橋連楓葉冷城帶
水雲昏把燭延官吏停舟次驛門漁歌起何
處瀟灑數家村

晚下雲南坡

萬壑秋風早千峰暮雨寒路從天上落城向
井中看未信秦關險徒歌蜀道難臨高一悵
望何處是長安

靜海縣父老來迓

昔年曾按部今日重經過眼見閭閻苦力排
閭閻多尚慙虛職業豈意有謳歌扶老兼攜
幼爭迎夾兩河

天津值河漲

黃河秋水漲滄海暮潮通樹杪雙流下雲津
萬派東魚龍驕駭浪鸛鶴舞迴風渺渺孤帆
度冥冥細雨中

舟中野望

雨後洲沙白風前木葉黃夕陽明鴈渚秋水
沒魚梁望益鄉心切愁縈去路長艱難銷歲
月踪跡半舟航

安陵驛道中

雲黑荒村暝江空暮雨懸孤舟愁野泊病骨
廢秋眠喪亂思親日艱虞事主年幸能免溝
壑且得傍林泉

渡口舟中晚興

林中寒照盡浦帶夕霞明野意逢秋斂江聲
入夜清洞庭聞葉下羅刹候潮生楚纜經年
役吳帆幾日程

舟中對菊

朔風吹野水對爾惜年芳十月開仍好扁舟
意不忘疎枝朝帶雨冷蕊夜含霜采擷盈盃
葦無因獻北堂

通州公館

古院惟雙栢虛亭獨舉盃風霜爾長在歲月
我重來潞水蒹葭合燕山鴻鴈哀天寒更行
役欲去且遲迴

至香河

潞渚凌晨發香河薄暮臨新霜開霽色斜日
閣秋陰虛館孤花映荒城萬木森年來頻道
路那怪二毛侵

寶坻公館次周太僕子庚韻

君已衝泥到余仍冒雨來間關同道路辛苦
劇輿臺暝色浮將斂秋陰黯未開虛亭饒古
木落葉翳蒼苔

過南旺湖

落日南湖上風烟入畫圖遙山疑泰岱平野
失青徐鶴鶴忽高下蠶蠶乍有無坐憐江路
永轉覺旅情孤

書定南公館壁

川塗初弭檝山館復停車
異脫風濤險寧辭
嶺路紆茶烟春寺靜
帆影遠江虛
獨坐松簷
久勞歌興有餘

月夜茗溪道中

平川如練淨新月學鉤
明楚客乘春發吳歌
入夜聲桑林緣岼綠
湖草逐年生何事隨陽
鴈遙遙故北征

燕集二十首

直夜崔都尉岱屏招飲用韻

直廬今夜月相對碧輪高
主第移珍饌官家賜玉醪
漏催銀箭刻寒重錦宮袍倚醉俱
清興長吟弄彩毫

秋日同李宗伯序菴顧宮詹未齋張
學士亭谿飲鄭氏莊五首

雨後沙全濕風前竹半斜
野橋通細水秋圃映餘花
出郭悲塵鞅臨池憶釣槎
清歌且終

日應不問年華

背郭堂成好沙村生事幽水花秋意淨野竹
曙光浮松徑鳴玄鶴柴門泛白鷗長安三歲
客始得鄭莊游

不負城南約朝來散紫宸林塘過上客野館
對高人階下黃花早天邊白鴈新看山秋興
足忘却宦遊身

小沼羣魚躍空亭一鶴鳴柳邊沙嶼繞竹裏

玉泉清倚檻銷塵慮移尊快野情主人能醉
客歌吹不停聲

醉筆題幽墅溪頭雙眼醒無人間稻壟有地
可茅亭壇上流雲氣城南聚德星尋君動鄉
思慚負草堂靈

九月一日胡竹亭招賞菊即席賦

樓倚宮雲迥屏開苑樹深清尊長者意黃菊
故園心落日明孤鶩寒空急亂砧登臨望九

日風木柰蕭森

病後過鵬峰留飲

謝客緣多病尋君得暫閒城中貰白酒席上
看青山歲月堂堂去干戈擾擾間丈夫有功
業百慮正相關

登高不果兼先是賞月違約詩以謝

鵬峰

賞心成屢負佳節竟空歸風雨黃花老江天

白鴈稀壯懷時按劍病骨不勝衣却憶中秋
月羞爲隔歲期

滇南舊貢院改紫薇分署落成周大
叅炯羅少叅方置酒首邀余過之
喜而有作

舊院移丹桂新堂對紫薇高秋初宴會燈火
夜深歸地迥星躔近樓空海氣微冠裳萬里
合知是百年稀

鎮守府公宴用韻

風簷移晚席露坐數秋星
玉椀冰漿瑩金壘
菊釀馨笙歌圍錦繡
屏障列丹青
罷酒看鷄
鬪能令醉眼醒

誕日三堂邀飲城南下院

三年遠遊子
萬里未歸人
惆悵思親日
驅馳報主身
設筵臨水甸
出郭向秋旻
不盡畱賓意
相招何大頻

宴黔國公第二首

上將羅高宴良朋會遠方百年美賓主萬里
盛冠裳尊俎風雲氣園林錦繡香茲遊恐難
得他日未堪忘

勝日番歡劇名園發興奇主人多道氣座客
總文辭疊石尋幽徑方亭瞰曲池異方有高
會吾分得歸遲

貴州李鎮守邀飲南庵寺

秋日城南寺殊方上客過亭依綠水曲路繞
紫山阿簫鼓入林僻沙原列騎多晚移漁子
艇更載越兒歌

蕭水部席上賞菊次汪希周韻三
首

籬遮芳徑曲樹入野堂深遠客停舟到英寮
並節臨看花論舊約采菊動微吟莫道官忙
甚幽期自可尋

芳菲仍砌菊搖落正庭槐歲晚爲官地天寒
送客盃城笳暮轉急野哭夜偏哀愁劇憑詩
遣淒涼未忍裁

盃酌過隣釀盤殮摘野蔬園林行處勝亭館
坐來虛晚菊邀同賞荒畦教僕鋤看君迷出
處欲去且踟躕

飲宮諭李序菴宅

住近相過早歡長罷酒遲午亭風獨坐晚席

雨頻移摘果低芳樹攀荷動小池醉歸紗帽
側不省據鞍時

孫南江招飲寶所塔

客到西湖上春遊尚及時石門深歷險山閣
靜憑危午寺鳴鐘亂風湖去舫遲清尊歡不
極醉筆更題詩

桂洲詩集卷之第九終

桂洲詩集卷之第十

特進光祿寺卿兼太師文館書監學士書法博士

詩 五言律詩二十九首

遊覽一十七首

龜峰次李空同韻

石人源觀瀑

登叫巖寺

登岳陽樓

華容道中觀插田

過柘川萬壽宮

宿田家二首

登月潭寺雲泉閣

遊圓通寺次韻

武城同楊中翰乘月放舟

萍鄉公館次白石山人韻

午日太平觀次朱凌谿韻

過釣魚臺次姚明府韻

觀音寺用韻

竹溪道院次何大復韻

徐州觀漲

答和一首

次劉吏部韻兼懷薛君采

東贈一十一首

東謝明府

真定贈陳侍御執之

唐大巡見過用空同韻

信陽東謝惟善

范蘇山開縣北河成借邑大夫士往

觀余適卧病東之以詩二首

過濟上寄陳忠甫同年

贈楊都水安叔

廣陵寄李御史震卿

吳興舟中寄懷許台仲二首

北新關逢胡可泉大叅

五言律詩三十首

遊覽一十八首

龜峰次李空同韻

過客幾來往
名山自古今
萬峰青不斷
半壁畫常陰
筆灑千年墨
詩畱絕代吟
媿無顏謝手
吾亦與登臨

石人源觀瀑

絕磴拿雲上流泉嵌壑飛風迴歌欲斷谷邃
響還微素練明秋水水簾映夕暉石人千古
在貪賞定忘歸

登叫巖寺

一逕入空門逢僧問水源山川靈氣合丘壘
故家存樹古牽蘿葛溪香出蔭菴潭心出奇
石應有坐垂綸

登岳陽樓

樓閣凌空迥風烟入座深廿年通夢寐此日
得登臨鸛鶴回孤嶼魚龍沒太陰感時仍涕
淚增見古人心

華容道中觀插田

四月華容道民間正插禾青山新雨足白水
野田多響答村村鼓聲喧處處歌爲農殊不
惡爲爾祝時和

過柘川萬壽宮

柘川雲谷窅秦洞石門深道院今人住僊源
何處尋滄洲環曲水丹竈閣層岑悵望烟霞
表如聞笙鶴音

宿田家二首

斷橋阻溪水借宿向田家茅屋松烟濕柴門
竹徑斜縑車綠壁挂秧鼓隔林槪但使誅求
息爲農樂已賒

茅堂坐竟日薄暮欵荆扉
徙婦荷鋤至老翁呼犢歸
青秧畦水滿綠樹野烟微
惆悵思鄉國田園今是非

登月潭寺雲泉閣

月向潭中靜泉從雲外流
寺門通逕窅樓閣傍巖幽
掃石還畱偈憑軒一散愁
偶來得竒賞忘却是遊陬

遊圓通寺次韻

立壁晝陰陰
名山與客臨
晚峰攢佛首
秋水印禪心
古洞燒燈入
荒園把酒吟
諸天重閣
杪風度海潮音

武城同楊中翰乘月放舟

入夜逢僊侶
中流發棹歌
清霜飛闊野
孤月湧寒波
館閣知名久
江山得句多
路難行始
見歲晚欲如何

萍鄉公館次白石山人韻

古木森秋院疎篁翳晚墻嵐光疑榻靜草色
積庭荒井邑環山郭村墟帶野塘漸通故鄉
語始覺失瀟湘

午日太平觀次朱凌谿韻

駐節西風裏僊都得暫遊烟霞秋日永岐路
此身浮廢殿殘陽入空山紫氣流何須問金
液白髮任盈頭

過釣魚臺次姚明府韻

龜峰遙在眼，初日紫烟生。
王笏風前直，靈芝雨後明。
林深藏燭影，山遠隔鐘聲。
十載同遊客，相看無限情。

觀音寺用韻

野寺春林晚，餘花尚可攀。
午香諸客到，落日一僧還。
坐入風烟靜，心將水石閒。
無愁翻愧爾，終日抗塵顏。

竹溪道院次何大復韻

夏日尋幽事
瑤臺近碧桃
池荷擎雨小
溪竹拂雲高
取醉揮金盃
含情弄玉毫
僊人彩霞裏
相贈白雲袍

徐州觀漲

南下逢秋漲
樓船壓混茫
波濤失豐沛
草樹見淮揚
吾道滄洲闊
中原水國長
愁聞萬家哭
無計作津梁

答和一首

次劉吏部韻兼懷薛君采

地切星辰界壇開松桂林曲房清辟暑高閣
書生陰越石朱絲調居州白雪吟相思隔城
闕華省望中深

東贈一十一首

東謝明府

豈第民多賴艱危盜未平人謀誰上策公力
自長城憂國頭先白觀時眼倍明匡扶須俊

儼慎勿負平生

真定贈陳侍御執之

太微瞻執法斗極傍文星白日乘驄地春風
品士亭驥材元北野鵬運本南溟此意君無
忝相看眼倍青

唐大巡見過用空同韻

虛館晝陰陰花驄盡日臨百年開笑口萬里
故鄉心共醉夷方酒長歌越客吟歸朝定

何日應聽塞鴻音

信陽東謝惟善

五載向君別相思無寸音那知信陽酒不共
故人斟薺水昔年夢羅山此夜心徘徊卽長
路惆悵發孤吟

范蘇山開縣北河成借邑大夫士往
觀余適卧病東之以詩二首

北郭河開迅東軒病起遲歌謠聞鼓沸旌節

想追隨九里資餘潤千秋有後思波濤任舟楫屬爾濟川時

冬日雙旌出新河一水流神山通秀氣赤石擬僊游波冷魚龍靜沙寒鴻鴈稠病身饒野興何日更扁舟

過濟上寄陳忠甫同年

高人陳水部雲卧百泉深佇望勞雙眼相思耿寸心病來詩總廢書到愧難任歲晚山林

靜幽期或可尋

贈楊都水安叔

相逢楊水部清韻逼高秋
久作任城客常登太白樓
素琴懸古壁虛閣對寒流
昨日黃花節何人共爾遊

廣陵寄李御史震卿

泗水乘驄馬維揚駐鷁舟
相望烟水隔獨坐暮天愁
豺虎聞皆遁瘡痍喜並瘳
思君多壯

氣雲鶚正橫秋

吳興舟中寄懷許台仲二首

碧海東南望吾憐九杞山美人隔烟水長日
拚雲關白雪誰同調黃精可駐顏杖藜春日
裏那得共躋攀

多病耽幽卧新春辭故山自憐去住意可是
利名關念子空勞夢當歌不破顏青青湖上
柳春盡爲誰攀

北新關逢胡可泉大叅

湖邊相遲久江上始逢君
笑口真難得高標
自不羣碑傳鳧繹石舟帶洞庭雲
後夜孤山
夢春泉靜可聞

桂洲詩集卷之第十終